



Rimnada sistemática da dretg communal dalla Vischnaunca da Sagogn

Nummera 0220.01.01

Tetel Uorden da taxas da baghegiar

Ediziun Ediziun dils 18.02.2024
Revisiun dils 16.04.2015
Ediziun dils 27.05.2014
Revisiun dils 27.11.2000
Ediziun dils 12.03.1982

Valeivel 05.03.2024

Remarcas preliminaras

Ord motivs da simplificaziun serefereschan indicaziuns da persunas, funcziuns e mistregns en questa publicaziun uffiziala mintgamai sin tuttas schlatteinas, expriu sch'igl ei stipulau explicit zatgei auter.

Davosa correctura informala 10.03.2024 tras Thomas Candrian

Cuntegn

I. Disposiziuns generalas	3
II. Determinaziuns finalas	4

I. DISPOSIZIUNS GENERALAS

Sebasond sigl art. 51 alinea 4 dalla lescha da baghegiar (LB) relai la suprastonza communal da Sagogn la suandont uorden da taxas per la procedura per lubientschas da baghegiar.

Applicaziun

Art. 1

¹ Quei uorden da taxas vegn applicaus per tuttas proceduras per lubientschas da baghegiar.

² Ella ei era applicabla per las proceduras da lubientscha ch'eiin prevedidas els reglements d'avertura.

Taxa per tractar

Art. 2

¹ Per tractar damondas da baghegiar tenor art. 51 cefra 1 LB vegn ei encassau ina taxa da frs. -.75 per m³ cubatura dalla construcziun, denton sil pli pauc frs. 250.--.

² Quella taxa per tractar cuarcla las spesas dalla vischnaunca per examinar, publicar e tractar la damonda e las controllas sco era ils cuosts da canzlia.

Cuosts supplementars

Art. 3

¹ Sco cuosts supplementars ch'eiin buca curclai tras la taxa per tractar valan las suandontas prestaziuns dalla vischnaunca:

- a) las expensas per consultaziuns da baghegiar,
- b) ils cuosts per expertisas e giurists,
- c) discuors e conferenzas cul petent,
- d) per far specialmein diever dall'istanza da baghegiar
- e) Midadas da projects e prolungaziuns

² Ils cuosts supplementars vegnan mess a quen al petent mintgamai tenor igl uorden da taxas dall'administraziun.

³ Ils cuosts per expertisas d'ordeifer vegnan mess a quen al petent tenor il quen tschentaus digl expert.

Autras decisiuns en fatgs da baghegiar

Art. 4

¹ Per tuttas proceduras da baghegiar che pertuccan buca las disposiziuns dils art. 2 e 3 sco era per decisiuns da fallonza, da restabiliment e decisiuns preliminaras vegn ei incassau ina taxa calculada tenor las expensas effectivas dalla vischnaunca, denton silmeins frs. 100.-

² La taxa ei da quintar tenor las disposiziuns digl art. 3 alinea 2 e 3.

Refusada ni nun-realisaziun

Art. 5

¹ Vegn ina damonda da baghegiar renviada, ni vegn in project da baghegiar lubius buca exequius, ston taxas e cuosts supplementars tuttina vegnir pagai.

Tschentar quen

Art. 6

¹ Taxas e cuosts supplementars tenor art. 2 tochen 5 vegnan fixai e tschentai a quen il mument che la decisiun sur dalla damonda da baghegiar vegn communicada.

² Expensas supplementaras vegnan tschentadas a quen al pentent schispert ch'ils cuosts ein enconuschents.

Pagament dallas taxas

Art. 7

¹ Tuttas taxas ein da pagar enteifer 30 dis dapi la consignaaziun dalla decisiun, denton en mintga cass avon ch'entscheiver a baghegiar.

II. DETERMINAZIUNS FINALAS

Vigur

Art. 8

¹ Quest uorden entra en vigur suenter ch'ell ei vegnius approbaus dalla suprastonza communal.

² Quest uorden remplazza tutts uorden anteriurs.

Ediziiun approvada dalla Suprastonza communal ils	05.03.2024
Ediziiun approvada dalla Radunonza communal ils	-
Ediziiun approvada dalla Regenza dil cantun GR ils	-